

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23 i 46/25), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sindikalne organizacije Federalne uprave civilne zaštite broj 50/25 od 10.12.2025.godine za tumačenje člana 43. Kolektivnog ugovora za službenike organa uprave i sudske vlasti u Federaciji Bosne i Hercegovine, na 14. sjednici Komisije održanoj dana 12.01.2026. godine, donosi:

ODLUKU

o tumačenju odredbi člana 43. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbe člana 43. Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

“Državni službenik i namještenik, u slučaju promijenjene radne sposobnosti zbog profesionalne bolesti, povrede na radu i invaliditeta ima pravo na lakši posao bez smanjenja plaće koju je ostvarivao prije nastupanja navedenih okolnosti, dok dodatak na plaću pripada zaposlenicima koji obavljaju poslove za koje je propisan dodatak na plaću”.

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav (6) Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev Sindikalne organizacije Federalne uprave civilne zaštite broj 50/25 od 10.12.2025.godine za tumačenje člana 43. Kolektivnog ugovora za službenike organa uprave i sudske vlasti u Federaciji Bosne i Hercegovine, po pitanju promijenjene radne sposobnosti i osiguravanja lakšeg posla bez smanjenja plaće.

Imajući u vidu navode iz dostavljenog zahtjeva, Komisija naglašava da je odredbom člana 43. stav (1) Kolektivnog ugovora jasno definisano da se u slučaju promijenjene radne sposobnosti zbog profesionalne bolesti, povrede na radu i invaliditeta državnog službenika ili namještenika, osigurava lakši posao bez smanjenja plaće koju je ostvarivao prije nastupanja navedenih okolnosti. Komisija zaključuje da se dodatak na plaću isplaćuje zaposlenicima koji obavljaju poslove za koje je propisan dodatak na plaću.

Shodno navedenom, utvrđeno je tumačenje odredbe člana 43. Kolektivnog ugovora, kao u tački 1. ove odluke.


Obzirom da je odredbom člana 72. Kolektivnog ugovora utvrđena primjena istog u odnosu na organe i insitucije na koje se ovaj kolektivni ugovor primjenjuje, utvrđeno je kao u tački II ove odluke, dok je tačkom III utvrđeno da su ovu odluku dužne poštovati sve ugovorne strane ugovora, u skladu sa odredbom člana 71. stav (6) Kolektivnog ugovora.

Broj: 01-714-68/26
Sarajevo, 12.01.2026. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Tijana Babić



Samir Kurtović



Haris Karačić